

海源閣叢書

海源閣叢書

咸豐二年
秋九月刊

2
乃
汰
山

房
文
梓

敘

九水山房文存二卷九水先生著述之僅存者也先生
山東之文登人姓畢氏初名以珣改名以田嘉慶丁卯
領鄉薦累困春官又改名亨道炎丙戌大挑一等籤分
江西署安義補崇義卒官字恬谿慶卽墨勞山九水之
幽勝因號九水先生從休寧戴東原先生遊精漢人故
訓之學尤長于書雖爲帖括家言非其意也以國子生
主東郡啟文書院郡中搢紳無敢以年職陵誚者然遠
于利祿之途莫可傳先生之學唯增業師葉亦園先生

敬愛備至以爲吾東學人莫之或先陽湖孫淵如觀察以魏科涖東土疊攝藩臬事擅博雅名爲先生舉主然折節下交久而益敬觀察每有所疑必質之先生先生就其手稿塗抹或至不可辨及觀察彙梓所纂叢書凡先生所乙改悉仍之不易一字說者謂觀察易書二經疏義精當處多本先生說匪直孫子敘錄一卷爲先生所誤也桂未谷先生說文解字義證引先生篤論至數十百事先先生嘗修東郡志未卒業繼之者時有竄易補綴不能必其主名先生每與友朋談讌技摘經史疑義

多人所未聞然一皆引伸古訓無拾唾之論亦無憑臆
之談道堯三十年先生長嗣文昭存增于南河署詢求
遺書僅存此冊而傳鈔不無錯誤因屬嘉興高君伯平
詳校付之梓人篇不過三十文不過三萬而考核精審
詞意淵茂內有湯居毫一篇正文旣醇粹注尤博辨若
正文屬先生則注當得之諍友或先生箴良朋之誤抑
或學隨年進自立兩說疑不能明故仍其舊先生之學
出于休寧休寧猶時有據孤證意改故籀之弊先生則
非集眾證不可輕下一字近世名流述作率繁富唯江

都汪容甫明經晚年有述學二卷爲自定真稿與先生遺書篇帙略當論文則明經之雋朗駘宕過先生論學則識力俱相若而明經身後且六十年名稱益盛先生乃寥落至此然好學者得先生遺書果能精心推勘觸類而長則先生之說蔽見他氏者皆可別識是先生之學久而彌光先生亦可以無憾也咸豐二年八月旣望

聊城楊以增敘



後序

致用本于窮經治世之術也窮經將以致州閭志之學也自利祿途歸帖括而應試與讀書分爲二闕有績學好古之士出其中又以說經爲名高游談射利而治經與涉事又分爲二乾嘉中漢學盛行南北知名健者十數其人有達有不達大都世臣弱冠時所嘗親近然匡居則求爲可知見知則持此以往其人未嘗見其語未嘗聞也故以世臣之寡陋數十年資多聞以自澤而拳拳服膺蓋亦靳矣嘉慶辛未赴春明二月杪始至德州

停驂草棚下遇九水先生同席各飯談次知先生來自
濟南因詢東省風氣先生言通省所苦在知府無權益
不事事恃節壽爲生涯助州縣浚閭閻而已世臣心折
其持論得要領而先生飯畢先行世臣至都晤舊識之
姚秋農尙書朱玉存宮贊語及先生乃知爲二公丁卯
所得士二公皆極口稱先生爲當代經生世臣以經生
多不解事益奇之詢得寓所遂頻數往返談讌常至夜
分淡服先生之學主于闡許以通鄭尤長于書然博學
而擇善不肆臆說如說詩無擇譽髦斯士爲有敎無類

廣鄭氏之義而夏圓足說書剛克柔克本杜氏說孟子
山徑之蹊閒介然爲山之直麓有蹊如界推許氏說而
徑蹊路不重疊訾宋儒好鑿空以俗訓訓古經其尤甚
者自春秋至唐書策所載皆子糾兄而桓公弟顧于千
載下意變其長幼以伸己議凡先生立說必有根據皆
此類也嘗告世臣曰故訓句讀爲治經始基此處不明
則不能疏通古人文法而意義無以鑒吾心一旦涉事
迂疏無效僕所爲譚精掣究實欲由末以撥本然半生
事此尙多難以自信又已老恐未足以酬初願已及道

光丙戌先生以大挑一等分發江西瀕行問居官之要
世臣曰先生年已七十雖清健似五十許人而實未足
供馳驅先生到彼需次多暇卒念尙書爲政書而向少
善說者縱未遑句比字櫛于大義所存逐條疏記付梓
以餉後來則功行比邇愛一邑爲大先生首肯之委署
安義值

赦令邑有兄殺胞弟之案先生列之不準援赦上游駿
斥先生執不念鞠子哀泯亂倫彝刑茲無赦之經義以
諍之大府怒已定劾休邇歛程春海侍郎主試廣東取

道豫章大府款之侍郎問先生起居甚悉事乃得解嗣
補崇義崇義俗悍地瘠會匪所叢集長官經月不能數
日在署治事先生年且八十遂積勞卒官而書竟未成
先生夙具服古入官之志而臨事未見經術飾吏治爲
吾黨生色者以見用已晚筋力不任故也至可悼惜已
西夏世臣客楊至堂侍郎南河署晤長嗣文昭茂才詢
遺書唯前後雜文一冊侍郎珍藏至壬子秋以屬嘉興
高伯平茂才校而刻之僅三萬餘言先生爲學之宗旨
具在果有好學深思觸類而長之儒善讀之則先生之

學不患其無傳侍郎此舉非唯篤念耆舊已也其嘉惠
來學意至深遠世臣故歷敘締交始末竝略紀所聞以
告觀者咸豐壬子季秋安吳包世臣書後

九水山房文存目

卷上

禹貢兗州地理考

漢武塞河復禹故迹考

湯居亳考

澹臺墓考

賈萌考

關雎說

說迪

說觚

說鰈

卷下

音韻

史例

三通

三皇五帝

朱虛侯劉章論

新刻十三經注疏敘錄敘

送孫淵如觀察南歸敘

方通甫詩敘

讀先曾祖府君墓志銘書後

跋孫氏平津館藏淳化閣帖

荅友人書

重建瑞州府東嶽廟記

魯仲連射書臺記

代